

## Tieuds l' temps !

Te n'peus p' ret'ni l'temps.  
È pèsse.  
È coule entre tes doigts  
c'ment l'âve d'in béné.  
È tyisse dains tai main  
c'ment l' chaibye d' lai mée.

Te n' peus' p' raittraippaie l' pèssè.  
È n' ât pus.  
È s'en ât allè  
c'ment l' meûssaint d' hyie.  
Èl s'ât évâdnè  
c'ment in peurджу seuvni.

Te n' peus' p' emprij'naie l' aivni.  
È n' ât' p' encoé.  
È v'ré en son heure  
c'ment le y'vaint de d'main.  
È t' eurdjoindrè  
c'ment lai vâdye qu' s'aippreutche d' lai raîje.

Mains te peus aidé tieudre le preujaint.  
Ci preujaint ât c'ment in gros l'aîbre :  
è piondge ses raiceinnes  
dains ton pèssè tot pien d' seuv'niainces è pe d'échpérieinche,  
c'ment ène aitiumulè saidgence  
È pe è djete ses londyes braintches  
d'vé ton aiv'ni tot piein d' promèches è pe d'échpérainche.

L' preujaint ât fait  
d' ton pèssè qu' n'ât pus  
è pe d' ton aivni qu' n'ât p' encoé.

Prends l' temps qu' t'ât béyie  
en tçhétçhe boussiatte que pèsse.  
Tieuds-le priechious'ment  
c'ment l'âve di reû qu' t' ât aidé dichponibye.

N' mâvie pe ton temps,  
ç'ât in crôma de Dûe.  
N' pèsse pe ton temps è rittaie aiprès l' temps.

N' dis pe : i n'ai p' le temps.  
Dis putôt : i ai tot mon temps.  
N' sais 'p' ravoétaint de ton temps.

Dâli, te diaign'rés di temps  
è pe te trov'rés qu' ç'ât bé èt bon... l'temps.